



## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

De hoc, si plures vnum impugnauerint. xlii.

**urn:nbn:de:hbz:466:1-10722**



D. BURCHARDI EPIS. VVORMAC.

ra omni tempore. Vinum, medonem, & mellitam ceruisiam nunquam bibas, nisi in illis prædictis tribus diebus. Vxorem ne ducas, concubinam non habeas, adulterium non facias, absque spe coniugij perpetuò permanes. Nunquam te laues in balneo, equum non ascendas, causam tuam & alterius in conuentu fidelium non agas, in conuiuiis lætantium nunquam sedeas, in Ecclesia segregatus ab aliis Christianis post ostium humiliter stes, ingredientium & egredientium orationibus suppliciter te commendes, communionem sacri corporis & sanguinis domini cunctis diebus vitæ tuæ indignum te existimes. In ultimo termino vitæ tuæ pro viatico, si obseruaueris consilium, ut accipias, tibi concedimus. Sunt & alia multa duriora quæ tibi iuxta pondus tanti facinoris essent adiicienda: sed si hæc omnia quæ suprâ misericorditer dicta sunt, perfecto corde Deo auxiliante perfeceris, & custodieris, confidimus de immensa Dei clemētia, remissionem tuorum peccatorum habiturum, & secundum boni iustique pastoris imperium, resoluat te sancta Ecclesia ab hoc vinculo peccati in terris, ut per ipsius gratiam qui eam suo sanguine redemerat, sis solutus in cœlis. Sin autem aliter feceris, & sanctæ matris Ecclesiæ salubre consilium despexeris, ipse tibi sis iudex, & in laqueo diaboli quo irretit⁹ teneris maneat, sanguisque tuus sit super caput tuum: nos alieni cōsortio tuo, & sub indissolubili anathemate permanes, donec Deo, & sanctæ Ecclesiæ satisfacias.

*De vxore mariti mortem conciliante. Cap. XLI.*

*Ex cōcil.  
apud Ver  
uerias,  
cap. 3.*

**S**I qua mulier mortem viri sui cum aliis conciliata est, & ipse vir aliquem illorum se defendendo occiderit, & si hoc probare potest ille vir eam ream esse consilij, potest ut nobis videtur, ipsam vxorem dimittere, & si voluerit aliam vxorem accipere, ipsa autem insidiatrix, penitentia subiecta, absque spe coniugij maneat.

*De hoc, si plures vnum impugnaverint. Cap. XLII.*

*Ex eodē  
concilio,  
cap. 98.*

**S**I quatuor aut quinque homines seu etiam plures, contra vnum hominem rixati fuerint, & ab his vulneratus mortuus fuerit, quicumque eorum ei plagam imposuit, secundum statuta canonum ut homicida iudicetur, reliqui



autem qui eum impugnabant volentes eum interficere, similiter poeniteant. Qui nec eum impugnabant, nec vulnerabant, nec consilio, nec auxilio cooperatores fuerunt, sed tantum adfuerunt, extra noxam sint.

*De vindicta non prohibenda. Cap. XLIII.*

**D**E vindicta non prohibenda in nouo testaméto, Hieronymus de personis dignis ad vindictam ait: Qui percutit malos in eo quòd mali sunt, & habet causam interfectionis vt percutiat pessimos, minister Dei est. Item, Lex & ministri eius coërceant inimicos & constringant. Apostolus inquit: Regi quasi præcellenti, & ducibus tantquam ab eo misis ad vindictam malefactorum, laudem verò bonorum. Item Hieronymus: Homicidas & sacrilegos punire, non est effusio sanguinis. Augustinus ait: Quæ ista est vanitas? Vni parcere, & omnes in discrimen adducere? Polluuntur enim omnes vno peccante. Vnde & in lege iubetur: Maleficos non patiaris viuere. Vnde Propheeta: Mortificabant animas quæ non moriuntur. Vnde Gregorius: Non morietem quippe mortificat, qui iustum damnat, & non victurum viuificare nititur, qui reum à supplicio soluere conatur. Helias nanque multos affecit morte, propria manu, nece & igne diuinitus inspirato. In nouo etiam testamento Petrus Ananiam & Saphyram terrificè multauit.

*Ex dictis  
Aposto.  
Hierony;  
Augusti.  
Grego.*

*De illis qui post baptismum capitalem protulerunt sententiam. Cap. XLIIII.*

**Q**uestum est etiam super his, qui post baptismum administrauerunt, & aut tormenta sola exercuerunt, aut etiam capitalem protulerunt sententiam. De his nihil legimus à maioribus definitum meminerant enim à Deo potestates has fuisse concessas, & propter vindictam noxiorum gladium fuisse permissum, & Dei ministerium esse datum in huiusmodi vindicem. Quomodo igitur reprehenderent factum, quod ab autore Deo viderent esse concessum? De his ergo ita vt hætenus seruatum est sic habemus, ne aut disciplinam euertere, aut contra auctoritatem domini venire videamur. Iphis autem in ratione reddenda, gesta sua omnia seruabuntur.

*Ex dictis  
Innocen-  
ty papa,  
cap. 23.*